

# Piersë góra!



TÓMK FÓPKA

30 maja bël Midzënôrodnym Dniã Gòlëch Piersów, bez slë, sztëcë i sztelôżów. Chłopi! Widza Wa czejs tak cos?! Ten dzëń, bõ piersë gwës! Jaż jem wcësnał „lubiã to” na tã leżnosc pòd smacznym òdjimkã pòrzëstëch, piãknëch, niezwiszonëch, bûszno-sztopòrczającëch...

W „Bòltiszecajtungù” pòdelë, że „wpatrywanie się w zadbany kobiecy biust służy zdrowiu i przedłuża życie. Cieszenie oka ponętymi krągłosciami obniża ciśnienie krwi, a co za tym idzie, ryzyko zapadnięcia na chorobę wieńcową znacznie się obniża”...

I co Wa na to? Mie to sã widzy. Bédëjã, cobë nen dzëń rozcygnãc na całi rok! A swiat niech sã krący wkół bialczënëch nëch cédów. Bialczy mają jich wicy, nëch cédów, jakno w całoscë cédownë stwòrzenia, równak NO ò sztòlce kùglë nôbarzi pasëje. Tej?

Pòzwë miesãdzów mùszì mieniac. Stëcznik – Susajk. Gromicznik – Mlëcznik. Strëmiannik – mòze òstac. Lëżëkwiat – Wëzërajk. Mój – Mójtitk. Czerwińc – Kùglińc. Lëpińc – Sromajk. Żëlnik – Psomùńk. Séwnik – Psoùszk. Rujan – mòze òstac. Smùtan – Maklón. Gòdnik – Zgòdnik. Matezi-Bòszci – Miesãcznë sã nie òbrażã, bõ téz piersë miałë i mòlégò Jezëska swiätim mlékã pòjilë. A Józefowie, karna pasturzów

i trzech Królów leno slënã pòikelë... Ò bidlątkach niemëch nie wspomnã...

Bialczy z wikszima piersoma mùszì zwòlnic òd pòdatkù i dac kwit na comiesãcznë masowanië krziza. Te z mòlimã mùszalëbë płacëc tzw. „piersowë”. Jak òbsãdzëc, jaczé sã mòlë, a jaczé ju wikszë? Dòjta le mie tã robòtã... Mògã bëc Przędnym Krajewim Maklòczã. (Bialka mie gòdò, przez remiã zdrzącë, że i bez te móm dosc robòtë...)

Mùszì promòwac piersatë bialczy, bõ jak pisze dr Sëchta: „piersatò bialka lepi sã widzy chłopóm jak takò deskòwatò”. Jak sã widzy, tej mòze Pòlòchów mdze wiãcy òprzez nã „piersatosc”. Tej bådze miòl chto na nasze emeriturë robic...

I dac sã dzecëskoma nasusac, le tak jak stòri lëdze gòdelë: knòpów òdstòwiac òd piersë, czëj òdbiërò miesac, zëbë nie lótelë za dzëwczãtami; dzëwczãta – czëj wisznë robiã sã czerwònë, zëbë miałë czerwònë lica i regularno dostòwalë swój czas.

A nié humanë, bebiczi i jinë marimbë!

Tedë je nót zalożëc partiã, np. „Pierskò Pòlskò”. Ji przedniczka noszãlã bë tytuł: Wasza Piersowatosc. Pòwstónã nowë „piersowë” òrganizacëje: lewicowò „Ùnia Zëmnych Piersów”, prawicowò „Kòngres Prawi Piersë”, feministicznò „Piersë przòdkã!” czë zelonò „Pò piersë – Pòlskò!”.

Wrócã mlëcznë barë, a kùchniowim szlagrà mdã piersnicziz z ananassoma.

Weńdã piersë do szkòlë. Pòwstónã specjalnë dokòzë. Dlò katechëtów: „Òd Jewiny piersë do Jadamòwégò Raju”. Matematik dostnie òbrzëszkòwi „Zestówk cwièrdzeniów Piersogòrasa” a do lëczbë  $\pi$  dodadzã -ers. Chëmik mdze ùziwól Toblëcã Piersoleje-

wa z pierswiastkòma. Lekturã bådze „Chłopi z piersama” Piersmonta. „Pòn Tadeùsz” zacznë jinwòkacjò: „Piersë! Òkrãglë mòje!”. Mało. Òbròz „Móna Liza” bådze topless. Do robòtë mdze zagrzëwa piesniò „Na prawò piers, na lewò piers...” a òb czas Dnia Samòstòjnotë 11 Lëstopadnika dò sã czëc „Mi, piersa brigada...”.

Spòrt sã na piersë przëstawi. Biëg z piersama. Gimnastika z piersoma. Zëmòwë pùrgòwë skòczy z piersã i slalom z piersoma.

Robiãcë òdjimk do ùrzãdowëch dokumëntów mdze mùszòl òdsłònic lewã piers. W autolach dorobiã extra schówk na piersë.

Ti, co jima nòtëra piersów nie da, mdã mòglë je wëpòzëczëc. Pasownë wiòlgòscë, zortë miseczk i sztòltë. Bialogłowszcë i chłopszcë. Do te mdze w promòcji pòmpka, cobë dopòmòwac zanòleżno òd leżnoscë...

Towarzëstwa Susków mdã robic mlékòpitnë sèanse, dze mòżna mdze darmòk so pòsusac mlékò 1, 2 i 3,2%, a do te piwkò i lemòniadã. Z tzw. „CPP”, to je „ceplëch piersów do picò”, pòlëcy dlò spraglëch kawa i arbata, a czasã żurk i gùrkòwò zupa.

Zabrònionë mdze słowò „cëc” – jakno pòlityczno niepòprawnë, a swiätò Cecylia nie mdze ju patrónkã kòscelnych spiëwów.

Zakòzónë mdã silikonë a bòtoksë. Pùmeksë i wazelinë. Pendolino i pëweksë. Seksë do béksë. Téksë i teksasë. Asë i basë a jinë, cëzë „Ace of Base”.

Mdze gòdónë, że „Pòlskò piersama stoi” – a chto nie wierzi, niech sã legnie i... lezi!

Chwaszczëno, 5 czerwińca, 23.05